

Transkription von Urkunde DAN 1381c

Ort, Datierung: Danzig, zwischen 1381 und 1384

Signatur: Stadtarchiv Danzig, 300, D, 82/3

Inhalt: Wedeghe Becker: Rechtfertigungsschreiben

Minen denst to vorn an de erbaren lude borghermeyst(er) / vnd ratma(n)ne to dantzeke .. War v(m)me
bid ik juwe erbartheyt / dat gij don dorch god vnd berichten de gude(n) lude . de de twe /
schot(telen)hebb(e)n uch ghegheue(n) . de mekers vnd de brūwers . dat se / my dar nen helpen dar se
my to ghebracht hebb(e)n wente al / den schad(e)n den ik des hebb(e) . den heb ik von yn . wente jw /
wol witlich is dat ik my(n) dingh dar gheholden hebb myt / dem rade dat ik des hōpe to gode vnd to
jw dat my / anders nema(n) nicht kan ouer we(dder) segghen wenne alz me / ene(n) bederue(n) ma(n)
don mach . vnd laten my buten dem breue / vnd en leggen my nene vor recnýtze to wente ik ir vn /
schuldich sy . wente my(n) herre de meyst(er) sproken heft vnd / sprak wedir mynes heren kantzeler
to der stolpe vnd / vor iij ridde(re) dat he von von der vor recnýtze mecht en wete / vnd we des ok
nene macht mochten hebb(e)n to donde hir / v(m)me so vnd ik jw dorch god . dat gij is my ok
vordrege(n) / ok v(m)me den wreuel de hir gheschen is ok von des beres / wegghen . dez wil ik my then
an twe uch dem Rade an hern / gherd mu(n)tern¹ vnd an hern herma(n) brutzekaw de dir by / wen dat
id my leynt waz . vnd noch is . dat id jw gheschach / vnd des nicht en dede Ok alze v(m)me dat
vmbschedene wort / dat en ma(n) sprak vppe dem rad hus vo(r) der meynheyt we/ghen . dat ik dar
nicht by en was vnd nicht af en wiste dat / he dat spreken wolde Ok wetet dat ik in dem rade ny en /
waz . dat ik des rades ergheste wys . wen alzo vele alz er jw in de / antworde ghesecht wart . wente my
wol rede sint to wetende / gheworden dat en vns(ir) schal ghesecht hebb(e)n . dat we den rad / wolden
slan dat schal se legen alze ene nūle hu(n)d(er)ste(ndig) ve(ch) gij / hir by don willen dorch god vnd
dorch dez rechten willen dat / latet hern herma(n) colberghe vor stan myne(n) vadd(er)en . dar mede /
guden nacht /

Wedeghe becker scr(ib)it hec²

¹ Durch die in anderen datierten Urkunden vorkommenden Namen konnte diese Urkunde in etwa datiert werden. Über den Namen *gherd mu(n)tern* und *herma(n) brutzekaw* stehen die Jahreszahlen 1375-89 bzw. 1381-84 von der Hand eines Archivars.

² *hic, haec, hec* : hier , hiesig; Hinweis darauf, dass der Brief in Danzig abgefasst wurde ?